



Bosnia and Herzegovina
Federation of Bosnia and Herzegovina
CANTON SARAJEVO
Ministry of Internal Affairs

Broj: 01-7-02-2-3487/20
Sarajevo, 24.07.2020. godine

SKUPŠTINA KANTONA SARAJEVO
n/r predsjedavajućeg Skupštine

PREDMET: Odgovor na zastupničku inicijativu zastupnice Neire Dizdarević, dostavlja se;

VEZA: Vaš akt broj: 01-04-20702-80/20 od 22.06.2020. godine.

Skupština Kantona Sarajevo je aktom broj i datum veze dostavila ovom Ministarstvu zastupničku inicijativu zastupnice Neire Dizdarević od 16.06.2020. godine, a koja se odnosi na **problematicu protivpožarnih stepenica u stambenim zgradama**. U skladu sa članom 219. stav 3. Poslovnika Skupštine Kantona Sarajevo ("Službene novine Kantona Sarajevo"- Drugi novi prečišćeni tekst br. 41/12, 15/13, 47/13, 47/15 i 48/16), obavještavamo vas da je ovo Ministarstvo u okviru svoje nadležnosti inicijativu razmotrilo i poduzelo mjere na njenoj realizaciji. S tim u vezi, informišemo vas o sljedećem:

Inspekcija za zaštitu od požara MUP-a Kantona Sarajevo shodno Zakonu o zaštiti od požara i vatrogastvu ("Službene novine Federacije BiH", broj 64/09), podzakonskim propisima i planovima vršenja inspeksijskih pregleda redovno vrši, između ostalih i inspeksijski nadzor objekata kolektivnog stanovanja u Kantonu Sarajevo. Prilikom vršenja inspeksijskih pregleda ovakvih objekata između ostalog se kontrolišu evakuacijski putevi kojima se omogućavaju brza i bezbjedna evakuacija građana u slučaju nastanka požara. Jedan od tih puteva su i protivpožarne stepenice u zgradama u kojima su one projektovane i izgrađene. U Kantonu Sarajevo je izgrađen značajan broj visokih stambenih objekata bez protivpožarnih stepenica u kojima je evakuacija građana riješena na drugi način (npr. evakuacijski put preko krovova zgrade međusobno povezanih sa susjednim zgradama kao što je slučaj naselja Alipašino polje).

Inspeksijski pregled protupožarnih stepenica podrazumijeva: pregled njihove prohodnosti, vatrootpornosti materijala od kojeg su izgrađene, protivpožarnih vrata koja moraju biti u funkciji i opremljena mehanizmima za samozatvaranje i oznake puteva evakuacije, odnosno uputstvo za slučaj nastanka požara. Inspekcija za zaštitu od požara u slučaju nedostataka donosi upravne mjere (eventualno pokreće prekršajne postupke) upravicima stambenih zgrada obzirom da se radi o



zajedničkim dijelovima zgrada. Naložene mjere na otklanjanju eventualnih nedostataka protivpožarnih stepenica ili drugih elemenata sistema zaštite od požara stambenih zgrada su obavezujuće.

Provođenje mjera zaštite od požara u objektima kolektivnog stanovanja sa aspekta ovog Ministarstva se ne može i ne smije uslovljavati odredbama Zakona o upravljanju zajedničkim dijelovima zgrade ("Službene novine KS", broj 19/17 i 17/18), ugovorima upravnika sa etažnim vlasnicima, stanjem računa zgrada i sl.

U tom smislu predlažemo da nadležno Ministarstvo prostornog uređenja, građenja i zaštite okoliša poduzme aktivnosti na ugradnji obligatornih odredbi u Zakon o upravljanju zajedničkim dijelovima zgrade i drugim aktima koji se odnosi na upravnike i etažne vlasnike, a sa ciljem brzog, bezuslovnog i obavezujućeg provođenja mjera zaštite od požara u stambenim zgradama kolektivnog stanovanja. Ministarstvo unutrašnjih poslova Kantona Sarajevo će resornom Ministarstvu uputiti inicijativu za izmjene i dopune Zakona o upravljanju zajedničkim dijelovima zgrade.

Prilog:
-CD x1.



Dostaviti:

1. Naslovu;
2. Stručna služba Vlade Kantona Sarajevo;
3. a/a.



web: <http://mup.ks.gov.ba>
e-mail: ministar@mup.ks.gov.ba
Tel: + 387 (0)33 286-701, 286-702,
Fax: + 387 (0)33 226-445
Sarajevo, La Benevolencije 16

